

# Pierij Val. Ephemerus.

C Y N I C I .

D

**I**N sacris nostrorum literis habetur Cynomyiae mentio nō cōtēnenda, quippe inter Ägypti flagella enumerata. Muscam eā caninā pleriq; dicunt, adiecta scilicet ad importunitatem canis etiam impudentia. Cynicorū scēta animali huic persimilē dicit Adamātius, qui ad reliquas improbitatis suā deceptio-nes, voluptatem etiam & libidinem inter bona summa commemorabant. Nam quod molesti essent cōtra ciuiles omnes mores, omnia deridendo, multorū est testimonio manifestū. quod verò & impudentes, vel vnius Diogenis improbus facinus indicat, qui vel medio in foro spēstante populo, hominem, vt ipse iactabat, plantare non erubescet. Ita pleriq; hodie, dum leuia quēdam publicē reprehendunt, grauiſſima quæq; ipsi sibi permittunt. Apud Eucherium locus animaduertendus est de Cynomyia, quæ nō Musca canina, vt quidam putat, Psalmō sit accipienda, sed Musca potius omnimoda. quod si admittatur, non per y Græcam literam scribi debet prima syllaba, sed per ce diphthongum: atque ita dicendum esset pro Cœnomyia, Muscarum genus omne.

## D E E P H E M E R O ▶

E

**A** Pud Cimmerium Bosphorum Hypani fluuio veluti folliculos acinis maiores ferente, gignitur Ephemerus, animal quadrupes volatile, quod nos Diarium appellare possumus.

V N I V S D I E I V I T A .

**P**er hieroglyphicum eius infantem aliquē, qui non vltra vnius diei spatium vitam produxit, nonnulli significandum censem. Id enim animalis genus vt eruperit ē folliculo, in pomeridianū usque diei tēpus viuit, & volat, mox descendente sole mactescit & languet, deinde occidente moritur, vita nō vltra diē vnum prorogata. Eiusdem imbecillitatis est papilio, in grandissimā muscā speciem, colore albido, qui ex folliculo bombycis intra suam araneam cōditi trāformatiq; erumpit, candidoq; exceptus velo, oua haud ita multō post papaerum seminibus paulo maiora, edit plura numero, mox intra paucissimarum horarum Ipatium ab ouis editis emoritur: ex quo formari posset hieroglyphicum, quod indicaret, re bene gesta vitam exhalatam, vt Epaminondam Thebanū, & Leonidam Spartanum fecisse legimus. Ac ne quis commentitiū ac fabulosum censeat quod super Ephemero autores tradunt, vt bombycem prætereamus, quem tota iam Italia domi vniusquisq; contueri potest, in Britannijs fluuius est, vel, vt nonnulli tradunt, euripus potius, qui totam fermē insulam diuidit: utrinque in ripæ marginibus arbores sunt, quæ folliculos ad oui anserini magnitudinem ferunt: hi certo anni tempore in subiectam aquā decidentes, simulac moliti fuerint, aperiuntur, deq; singulis singulæ exclusæ aues abuolant, pipionibus paulo minores, candore insigni, alisq; adeo plumatis, vt altè statim auferantur, neque quō migrant vlli adhuc compertum aiunt.

## D E C I C A D A ▶

F

**V**T vero bestiolis his finem imponamus, admonet Cicada, quæ cōtinuati soni raucitate molesta, nos orinino videtur edocere, vt eius exemplo tedium esse caueamus, tam multa congerentes. Eius igitur hieroglyphica prosecuti, aues iam & volatilia reliqua valere iubebimus.

I N I T I A T U S S A C R I S .

**A** Egyptij sacerdotes hominem sacris initiatū, & mysticæ disciplinæ peritiam affec-